


Kassim terus ketuai Partai Rakyat

Berita Harian, 14 April 1971, Page 4

 Article also available on Microfilm Reel NL6727

**Kassim
terus
ketuai
Partai
Rakyat**

KUALA LUMPUR,
Selasa — Enche
Kassim Ahmad telah
di-pilih sekali lagi
memimpin Partai So-
sialis Rakyat Malaya
dengan Dato Kampo
Radjo sa-bagai Naib
Pengerusi.

Pemilihan itu di-buat
dalam kongres ke-15
partai tersebut kelmarin.

Kongress itu juga telah
memilih sa-mula Syed
Husin Ali sa-bagai Setia-
usaha Agong-nya dengan
Enche Sanusi Osman dan
Enche Sattar Haji Dahan
sa-bagai Penolong Setia-
usaha satu dan dua.

13 anggota

Ahli Dewan Undangan
Negeri Pahang kawasan
Tanah Merah, Enche S.
Sivasbramaniam telah
di-pilih sa-bagai Benda-
hari baru partai tersebut.

Partai tersebut juga
telah memilih 13 orang
anggota jawatankuasa-
nya dan antara yang
terpilih ia-lah Enche
Hasnol Hadi, Enche C.C.
Yong (sekarang dalam
tahanan di-Muar), En-
che Zulkifli Ismail (Ahli
Dewan Undangan Negeri
Pahang kawasan Ulu
Kuantan yang sekarang
dalam tahanan di-Batu
Gajah), Enche Shaharom
Mohamed Dom dan En-
che Halim Ali.

Tiga tahun

Dalam satu sidang akhbar petang semalam, Enche Sanusi Osman mewakili Enche Kassim Ahmad yang sekarang sedang di-rawat di-Hospital Universiti di-sini memberitahu bahawa jawatankuasa baru ini akan bertugas selama tiga tahun.

"Walau bagaimanapun, kami tetap akan mengadakan kongres tiap2 tahun," kata-nya.

Menurut beliau, enam buah usul telah dibincangkan dalam kongress dua hari itu.

Antara-nya ia-lah mendesak Kerajaan Pahang supaya tanah sa-luas 1 juta ekar di-daerah Pekan yang dinamakan "Tanah Pengurniaan" di-jadikan hak ra'ayat.